

SPORAZUM O NAUČNOJ, ISTRAŽIVAČKOJ I STRUČNOJ SARADNJI

Dana **27.03.2025. godine** zaključen je Sporazum o saradnji između:

1. **VISOKE ŠKOLE „CEPS – CENTAR ZA POSLOVNE STUDIJE“ KISELJAK**,
ID broj: 4236509320002, sa sjedištem na adresi Ul. Josipa bana Jelačića bb,
zastupane po direktoru **doc. dr. Mirzi Selimiću**
(u daljem tekstu: „CEPS“)
- i
2. **Samostalnog sindikata državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine**,
sa sjedištem na adresi Obala Kulina bana 1, Sarajevo,
zastupanog po predsjedniku **Samiru Kurtoviću**
(u daljem tekstu: „SUFBiH“)

Vođeni željom za unapređenjem saradnje u oblasti obrazovanja, naučno-istraživačkog rada i stručnog usavršavanja, uz zajednički interes za jačanje kapaciteta javne uprave i civilnog društva u Bosni i Hercegovini, ugovorne strane zaključuju sljedeći Sporazum:

Član 1.

Ovim Sporazumom uspostavljaju se partnerski odnosi između CEPS-a i SUFBiH u oblasti:

- visokog obrazovanja i stručnog usavršavanja,
- naučno-istraživačkog rada,
- izdavačke i edukativne djelatnosti,
- razvoja projekata od zajedničkog interesa.

Član 2.

Ugovorne strane će međusobno saradivati kroz različite oblike institucionalne, stručne i projektne saradnje, a naročito kroz:

1. Organizovanje i suorganizovanje naučno-istraživačkih aktivnosti, konferencija, simpozija, okruglih stolova, seminara, radionica, edukacija i stručnih skupova;
2. Razmjenu stručnih i naučnih informacija putem časopisa, publikacija, istraživačkih radova, baza podataka i digitalnih resursa;
3. Razmjenu akademskog, nastavnog i stručnog osoblja;
4. Zajedničku izradu, prijavu i realizaciju domaćih i međunarodnih projekata (uključujući EU fondove);
5. Razvoj i promociju profesionalnih i akademskih kontakata;
6. Podsticanje aktivnosti koje doprinose razvoju kompetencija i institucionalnih kapaciteta;
7. Analizu i rješavanje pitanja od zajedničkog interesa;
8. Omogućavanje članovima SUFBiH povoljnijih uslova studiranja;
9. Organizovanje stručne prakse, mentorstva i uključivanje studenata u rad institucija;
10. Zajedničko učešće u javnim kampanjama, istraživanjima i inicijativama;
11. Razvoj programa cjeloživotnog učenja i certificiranih edukacija;
12. Saradnju u izdavačkoj djelatnosti;
13. Organizovanje studijskih posjeta i međunarodne saradnje;
14. Druge oblike saradnje od zajedničkog interesa.

Član 3.

CEPS se obavezuje da članovima SUFBiH omogući:

1. **Popust na školarinu po godinama studija**, i to:
 - o 5% za prvu godinu studija,
 - o 6% za drugu godinu studija,
 - o 7% za treću i svaku narednu godinu studija;
2. Mogućnost plaćanja školarine na rate, u skladu sa internim pravilima CEPS-a;
3. Pristup posebnim edukacijama, seminarima i programima stručnog usavršavanja;
4. Organizaciju dodatnih stručnih programa prilagođenih potrebama članova SUFBiH;
5. Mogućnost uključivanja članova SUFBiH u istraživačke, edukativne i projektne aktivnosti.

Popust iz stava (1) ovog člana ostvaruje se uz važeću člansku iskaznicu SUFBiH i identifikacioni dokument **prilikom upisa na 1. godinu studija**, te se ne može kumulirati sa drugim popustima, osim ako ugovorne strane drugačije ne ugovore.

Član 4.

CEPS se obavezuje da:

- informiše studente i javnost o saradnji sa SUFBiH,
- promoviše aktivnosti i ulogu SUFBiH kroz svoje komunikacijske kanale,
- omogući predstavljanje SUFBiH u okviru edukativnih i promotivnih događaja.

SUFBiH se obavezuje da:

- promoviše studentske programe CEPS-a među svojim članstvom,
- podrži aktivnosti koje doprinose zajedničkim ciljevima Sporazuma.

Član 5.

Ugovorne strane će postupati u skladu sa važećim propisima o zaštiti ličnih podataka i autorskih prava.

Član 6.

Ovaj Sporazum može se mijenjati i dopunjavati isključivo uz pisanu saglasnost obje ugovorne strane.

Član 7.

Sporazum se zaključuje na neodređeno vrijeme i stupa na snagu danom potpisivanja.

Član 8.

Svaka ugovorna strana može otkazati Sporazum pisanim putem, uz otkazni rok od 30 dana.

Član 9.

Sporazum je sačinjen u dva (2) istovjetna primjerka, od kojih svaka ugovorna strana zadržava po jedan (1) primjerak.

ZA CEPS

doc. dr. Mirzo Selmić,
direktor

Broj:
Datum:



ZA SUFBiH

Samir Kurtović, magistar prava
predsjednik Sindikata

Broj:
Datum:

01-265/26
6. 4. 2026.

